

Na osnovu člana 16. stav (4). Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), a u vezi sa članom 139. stav (1). Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13), razmatrajući Amandman III poslanice u Skupštini Zeničko-dobojskog kantona Ugarak Meldine na prijedlog Zakona o osnovnoj školi, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 104. sjednici, održanoj 27.07.2017. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman III Ugarak Meldine, poslanice u Skupštini Zeničko-dobojskog kantona na Prijedlog Zakona o osnovnoj školi.

II.

Zaključak sa obrazloženjem u kome su sadržani razlozi zbog kojih se ne prihvata Amandman III upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/17.
Datum, 27.07.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

OBRAZLOŽENJE

I. PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10) i članu 139. stav 1. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

II. RAZLOZI ZA DONOŠENJE

Poslanica u Skupštini Zeničko-dobojskog kantona Ugarak Meldina podnijela je Amandman III na Prijedlog Zakona o osnovnoj školi:

U Članu 43. stav 1. Prijedloga Zakona o osnovnoj školi, riječi *“dva nastavnika razredne nastave”* zamjenjuju se riječima: *“jedan nastavnik razredne nastave, defektolog, logoped i psiholog”*.

Stoga se predlaže neprihvatanje Amandmana III iz razloga što predloženi amandman iziskuje značajna finansijska izdvajanja, a škole uglavnom nemaju radnike navedenog profila i stručne spreme u radnom odnosu. Isto tako članom 43., u stavu (4) je predviđeno donošenje Pravilnika o postupku upisa djece u osnovnu školu koji će biti u skladu sa donesenim Pedagoškim standardima.

Isto tako, ne raspolažemo sa podatkom da dolazi do značajnog smanjenja broja upisanih učenika u prvi razred osnovne škole na području Zeničko-dobojskog kantona, pa je tako 2015/16. godine u prvi razred upisano 3759 učenika, u školskoj 2016/17. godini 3616 učenika, a u školskoj 2017/18. godini 3473 učenika, s tim da još uvijek nije završen drugi ciklus Programa obaveznog predškolskog odgoja i obrazovanja, te će se broj učenika upisanih ove školske godine povećati. Dolazimo do zaključka da eventualne uštede u Budžetu Zeničko-dobojskog kantona nije moguće napraviti, niti se eventualna potreba za dodatnim sredstvima mogu obezbijediti po tom osnovu.